

六
典
通
考

六典通考卷一百六十三

湖西閻鎮珩輯

王政考

恤窮之政

傳稱堯不虐無告不廢困窮又稱舜之時天下無窮人
文王以聖德治岐不能使下無鰥寡孤獨然仁政行而
四者各得優游以卒歲焉及周公相成王設肺石以達
窮民良以窮民者盛世所不能無要在使之各得其所
而已蓋仁人之視天下如一身一家疾痛疴癢切其身
必思所以療救之一人向隅滿堂不樂必求所以解慰
之人情窮急則呼天勞苦則呼父母君之覆民猶天與

父母也無辜者得以上聞而有訴者靡不見憐使四海之內無隱不達此王者之政所爲能贊天地之化育也與

太僕建路鼓於大寢之門外而掌其政以待達窮者與遽令

聞鼓聲則速逆御僕與御庶子

詳復逆考

大司徒以保息六養

萬民三曰振窮四曰恤貧五曰寬疾

詳民政考

朝士掌建邦外

朝之瀆右肺石達窮民焉

大司寇以肺石達窮民

肺石赤石也

凡遠近惇獨老幼之欲有復於上而其長弗達者立於肺石

三日士聽其辭以告於上而罪其長

無兄弟曰惇無子孫曰獨復猶報也上謂王與

六卿也報之者若上書詣公府言事矣長謂諸侯若鄉遂大夫

鄉師以歲時巡國及野而

調萬民之囏阨以王命施惠

歲時者隨其事之時不

遺人

鄉里之委積以恤民之慈
鄉里之慈 所居也

人所出入易以取餽
慈猶困乏也門闕以養老孤人所出入易以取餽 司門凡財物犯禁者舉之以

其財養死政之老與其孤
詳門 旅師掌聚野之勑粟屋粟

間粟而用之以質劑致民平頒其興積施其惠散其利而均

其政令
用之謂恤民之慈既委積於野如遺人於鄉里也以質劑致民案入稅者名會而貸之與積所興之積謂

三者之粟也平頒之不得偏頗有少縣官徵聚物曰興今

云軍興是也以賜衣食曰惠以作事業曰利均其政令者皆

以國服
為之息 凡用粟春頒而秋斂之
詳委 司稼掌均萬民之食

而賜其急而平其興 王制少而無父者謂之孤老而無子

者謂之獨老而無妻者謂之矜老而無夫者謂之寡此四者

天民之窮而無告者也皆有常餼
餼康 瘠聾跛躄斷者侏儒

百工各以其器食之
斷謂支節絕也侏儒謂支節絕也侏儒 月令季春天子布

大典通考 卷百六十三 二

德行惠命有司發倉廩賜貧窮振乏絕振猶救也立冬之日迎冬

於北郊還反賞死事恤孤寡死事謂以國事死者若公孫周人顏涿聚者也孤寡其妻子也

國語文公曰奈夫八疾何入疾遺餘至僅昏胥臣曰官師之所材

也材古裁字戚施直鋪戚施僂人還條蒙瑯玉磬也不能僥故使

之戴侏儒扶盧侏儒短者扶緣也盧戈矇矇修聲有眸子而

無眸子聾聵司火耳不別五聲之和僮昏僮無知昏聞亂瘖瘖瘖道忠

信之言為器焦僥尺長三官師所不材也以實裔土裔荒管

子九惠之教一曰老老二曰慈幼三曰恤孤四曰養病五曰

令獨六曰問疾七曰通窮八曰振乏九曰揀絕齊師將興

陳成子屬孤子三日朝屬會死事者之子使朝三日以禮之晏子曰春省耕

而補不足秋省斂而助不給景公說大戒於國出舍於郊於

是始興發補不足

戒告命也出舍自責以省民也興發發倉廩也

吳闔閭在國天

有菑厲親巡孤寡而供其乏困在軍熟食者分而後敢食

楚昭王當房而立愀然有寒色曰寡人朝飢時酒二甌重裘而立猶憊然有寒氣將奈百姓何是日也出府之裘以衣寒者出倉之粟以賑飢者

漢文帝元年詔曰方春和時草木駢生之物皆有以自樂而吾百姓鰥寡孤獨窮困之人或阡于死亡而莫之省憂爲民父母將何如其議所以賑貸之元狩六年遣謁者致賜鰥寡孤獨帛人二匹絮三斤縣鄉卽賜毋贅聚地節三年詔曰鰥寡孤獨高年貧困之民朕所憐也其加賜帛二千石嚴敕吏謹視遇無令失職初元元年遣光祿大夫褒等十二人循行

天下存問耆老鰥寡孤獨困乏失職之民

後漢建武六年令郡國有穀者給粟高年鰥寡孤獨篤癯及無家屬貧不能自存者如律二千石勉加循撫無令失職永元五年詔曰民食不足其上尤貧不能自給者戶一人數往者郡國上貧民以衣履釜鬻爲資而豪右得其饒利詔書實覈欲有以益之而長吏不能躬親反更呼召會聚令農作愁擾百姓復有犯者二千石先坐八年詔刺史二千石詳刑辟理寬恤鰥寡矜孤弱十三年詔貸張掖居延朔方日南貧民及孤寡羸弱不能自存者元初六年詔曰夫政先京師後諸夏月令仲春養幼小存諸孤季春賜貧窮賑乏絕省婦使表貞女所以順陽氣崇生長也其賜人尤貧困孤弱單獨

穀人三斛貞婦有節義十斛

自漢以後人主多以小惠市美名或車駕行幸或國有大慶輒推恩于俾獨無告之民前史所載不可勝數雖衰亂之世亦有之孟子所謂有仁心仁聞而不行仁政者也茲皆畧而不錄

唐京畿及天下諸縣令之職養鰥寡恤孤窮審察冤屈躬親獄訟務知百姓之疾苦知匭使掌申天下之冤滯以達萬人之情狀

宋京師置東西福田院廩老疾孤窮凶者英宗命增置南北福田院各廣官舍日廩三百人歲出內藏錢五百萬給之後增爲八百萬又詔州縣大雨雪蠲儉舍錢三日歲毋過九日

著爲令熙寧二年京師雪寒詔老幼貧疾無依丐者聽給錢收養至春稍煖止九年韓絳言在法諸老疾自十一月一日州給米豆至次年三月終河東地寒乞自十月一日起支至次年二月終有餘卽至三月終從之凡鰥寡孤獨癯老疾廢貧乏不能自存應居養者以戶絕屋居之無則居以官屋以戶絕財產充其費不足給以常平息錢崇寧初蔡京當國置居養院安濟坊給常平米厚至數倍差官卒充使令置火頭具飲饍給以衲衣絮被州縣僱乳母女使其道路遇寒僵仆及無衣丐者許送近便居養院給錢米孤貧小兒可教者令入小學讀其衣襦於頭子錢內給造遺棄小兒願人乳養聽宮觀寺院養爲童行宣和二年詔安濟坊錢本依居養院法

醫藥如舊制

元至元二十二年京城設鋪六所遣官吏發海運糧減市直以賑糶焉紅貼糧者大德五年始行初賑糶糧多爲豪強嗜利之徒計取弗能周及貧民於是令有司籍兩京貧乏戶口之數置半印號簿文貼各書其姓名口數逐月對貼以給大口三斗小口半之其價視賑糶之直三分之一

明初太祖設養濟院收無告者月給糧遇歲災盡蠲二稅且貸以米甚者賜米布若鈔在位三十餘年賜予布鈔數百萬米百餘萬蠲租稅無數宣宗時民有鬻子女者官爲收贖令富人蠲佃戶租大戶貸貧民粟免其雜役爲息豐年償之皇莊湖泊皆弛禁聽民採取建官舍以處流民給糧以收棄嬰

養濟院窮民各注籍無籍者收養蠟燭幡竿二寺振米之法
明初大口六斗小口三斗五歲以下不與永樂後減其數

恤死之政

墳墓附

詩稱凡民有喪匍匐救之禮稱無服之喪以畜萬邦先
王于民有死喪而無告者爲給棺槨以斂藏之西伯之
澤及枯骨月令之掩骼埋胔是已宋漏澤園之設始于
蔡京至明太祖猶遵行之故君子不以其人而廢其法

蜡氏掌除骹

曲禮四足死者曰漬謂死人骨也胔骨之尚有肉者也及禽獸之骨皆是

若有死于

道路者則合理而置榻書爲日月焉縣其衣服任器于有地

之官以待其人

有地之官主此地之吏也其人其家人也榻欲令其識取之今時榻槨是也有地之官有

縣界之吏今時鄉亭是也

掌凡國之骹禁

禁謂孟春掩骼埋胔之屬

大司徒以本俗

六安萬民二曰族墳墓四閭為族使之相塋 墓大夫掌凡

邦墓之地域為之圖凡邦中之墓地 令國民族葬而掌其禁

令族葬各從其親正其位掌其度數位謂昭穆也度數謂等之大小使皆有私地域

古者萬民墓地同處分其地使各有區域得以族葬使同客 凡爭墓地者聽其獄訟爭墓

侵區帥其屬而巡墓廨居其中之室以守之廨墓限遮列處

官寺在墓中 王制墓地不請 月令孟春掩骼埋胔胔枯曰骸肉腐曰胔

孟冬飭喪紀辨衣裳審棺槨之薄厚塋邱壟之大小高卑厚

薄之度貴賤之等級順時飭正之也辨衣裳謂襲斂尊卑所用多少 國語管仲曰

聖王治天下定民之居成民之事陵為之終以爲葬也 孔子初

仕為中都宰制為養生送死之節為四寸之棺五寸之槨因

邱陵為墳不封不樹

顧炎武曰家人凡死於兵者不入兆域注戰敗無勇投諸塋外以罰之左氏趙簡子所謂桐棺三寸不設屬辟素車樸馬無入於兆而檀弓死而不弔者三其一曰畏亦此類也

莊子戰而死者其人之葬也不以妻資

崔本作娶坎坎音坎謂先人墳墓也

若敝無存死而

齊侯三稊之與之犀軒與直蓋而親推之三童汪錡死而仲尼曰能執干戈以衛社稷可無殤也豈得以此一概隋文帝仁壽元年詔曰投生殉節自古稱難殞身王事禮加二等而世俗之徒不達大義致命戎旅不入兆域虧孝子之意傷人臣之心興言念此每深愍歎且入廟祭祀並不廢闕何至墳塋獨在其外自今以外戰亡之徒宜入墓域可謂達古人之意又攷晉趙文子與叔譽觀乎九原而有

陽處父之葬則得罪而見殺者亦未嘗不入兆域也

左傳襄公

二十九年齊人葬莊公于北郭注引兵死不入兆域

司門死政之老如史記平原

君傳李同戰死封其父爲李侯後漢書獨行傳小吏所輔
扞賊代縣令死除父奉爲郎中蜀志龐統傳統爲流矢所
中卒拜其父議郎遷諫議大夫是也若父子並爲王臣而
特加恩遇如光武之於伏隆先朝之於張五典

天啟初張銓以御史

死遼加其父五典至兵部尙書

又不可以常格論矣

漢河平四年三月遣光祿大夫博士嘉等十一人行舉潁河
之郡爲水所流壓死不能自葬令郡國給構櫨葬埋已葬者
與錢人二千綏和二年秋詔曰河南潁川郡水出流殺人民
敗壞廬舍遣光祿大夫循行舉籍賜死者棺錢人三千元始

二年四月民疾疫者舍空邸第爲置醫藥賜死者一家六尸以上葬錢五千四尸以上三千二尸以上二千

後漢元初二年遣中議者收葬京師客死無家屬及棺槨朽敗者皆爲設祭其有家屬尤貧無以葬者賜錢人五千延光元年詔賜壓溺死者年七歲以上人二千若一家皆被災害而弱小存者郡縣爲收斂之質帝卽位以兵疫連年死亡流離朕甚愍焉昔文王葬枯骨人賴其德令遣使者案行若無家屬及貧無資者隨宜賜卹以慰孤魂本初元年詔曰九江廣陵二郡數離寇害生者失其資業死者委尸原野方春屆節掩骼埋胔之時其徵比郡見穀收葬枯骸務加埋恤以稱朕意建和三年詔曰京師廝舍死者相枕郡縣阡陌處處有

之甚違周文掩骼之義其有家屬而貧無以葬者給直人三千若無親屬可於官墻地葬之表識姓名爲設祠祭永壽元年南陽大水詔被水死流失屍骸者令郡縣鉤求收葬及所唐突壓溺物故七歲以上賜錢人二千永康元年詔州郡溺死者七歲以上錢人二千一家皆被害者悉爲收斂

晉泰始七年六月伊洛河溢流居人四千餘家殺三百餘人有詔振貸給棺

唐制凡功臣密戚諸陪陵葬者聽之以文武分爲左右而列墳高四尺以下三丈以上若祖父陪陵子孫從葬者亦如之若宮人陪葬則陵戶爲之成墳兆域內禁人無得葬埋古墳則不毀寶應元年四月詔浙江水旱民疫死不能葬者爲瘞

之太和六年五月詔諸道應災荒處疾疫之家有一門盡殁者官給凶具其餘據其人口遭疫多少與減稅錢疫疾未定處官給醫藥

宋天聖七年河北水瘞溺死者給其家緡錢明道二年二月詔江淮民饑死者爲之葬祭至和元年春正月詔京師大寒民多凍餓死者有司其瘞埋之王申碎通天犀和藥以療民疫二月詔民有疫死者蠲戶稅一年無戶稅者給其家錢三千崇寧三年置漏澤園初神宗詔開封府界僧寺旅寄棺柩貧不能葬令畿縣各度官不毛地三五頃聽人安厝命僧主之葬及三千人以上度僧一人三年與紫衣有紫衣與師號更使領事三年願復領者聽之至是蔡京推廣爲園置籍瘞

人並深三尺毋令暴露監司巡歷檢察安濟坊亦募僧主之
三年醫愈千人賜紫衣祠部牒各一道醫者人給手歷以書
所治瘞人歲終考其數爲殿最諸城皆鎮市戶及干以上有
知監者依各縣增置漏澤園高宗南渡民之從者如歸市旣
爲之衣食以振其饑寒又爲之醫藥以救其疾病其隕于戈
甲斃于道路者給度瘞埋之紹興十四年復置漏澤園嘉定
二年出內庫錢十萬緡爲臨安貧民棺槨費
明太祖設漏澤園葬貧民天下府州縣立義冢永樂六年令
福建瘟疫死絕人戶遺下老弱婦女兒男有司驗口給米稅
鹽糧米各項暫且停徵待成丁日立戶當差

草木鳥獸之政

班固曰先王之制辯土地川澤丘陵衍沃原隰之宜教
民種樹畜養五穀六畜及至魚鼈鳥獸藿蒲材幹器械
之資所以養生送終之具靡不皆育育之以時而用之
有節少木未落斧斤不入於山林豺獺未祭罝網不布
於墜澤鷹隼未擊矰弋不施於後隧既順時而取物然
猶山不剝蘂澤不伐天謂古槎字也槎邪斫木也此鱉
魚廢卵咸有常禁蜂小蟲也麋所曰順時宣氣蕃阜庶
物穡足功用如此之備也

服不氏掌養猛獸而教擾之

猛獸虎豹熊羆之屬擾馴也教習使之馴服

射鳥

氏掌射鳥

鳥雁鵠鵠之屬

羅氏掌羅鳥鳥

鳥謂卑居鵠之屬

蜡則作羅襦

蜡謂十二月大祭萬物也祈細密之羅建亥之月此時火伏蟄者畢矣射既祭獸可以羅網圍取禽也今俗放火張羅其

遺教也 中春羅春鳥獻鳩以養國老行羽物春鳥蟄而始出者若今南郡黃雀之

屬是時鷹化為鳩與春鳥變舊 掌畜掌養鳥而阜蕃敎

擾之鳥之可養使盛大蕃 歲時貢鳥物以四時來 閩隸掌

役畜養鳥而阜蕃敎擾之掌子則取隸焉掌子者王立世子

而以閩 夷隸掌役牧人養牛馬與鳥言夷狄之人或 貉

隸掌役服不氏而養獸而敎養之掌與獸言不言阜蕃者猛

生乳於 雍氏禁山之為苑澤之沈者不得擅為苑囿於山

及水靈 泮氏掌國之水禁水禁謂水中害人之處 冥氏

掌設弧張弧張量 為阱擥以攻猛獸以靈鼓毆之靈鼓六面

驚遠 若得其獸則獻其皮革齒須備須直謂頤下 庶氏掌

除毒蠱以攻說禱之嘉草攻之毒蠱毒物而病害人者賊律

日敢蠱人及敎令者棄市攻

說新名祈其神求去之也嘉草凡敗蠱則令之比之使爲之

之藥勝其狀未聞攻之謂燻之凡敗蠱則令之比之又校次

食之物於穴外以時獻其珍異皮革是氏掌攻猛鳥各

以其物爲媒而倚之猛鳥鷹隼之屬置其所食之物以時獻

其羽翮柞氏掌攻草木及林麓夏日至今令刊陽木而火之

冬日至今剝陰木而水之刊剝互言耳皆謂斫去次地之皮

之水之則使若欲其化也則春秋變其水火化猶生也謂時

其燄不生若欲其化也則春秋變其水火以種穀也變其

水火者乃所火則水之所凡攻木者掌其政令雍氏掌殺

水則火之則其土和美草春始生而萌之夏日至而夷之秋繩而芟之冬日至而耜

之萌之者以茲其斫其生者夷之以鉤鎌迫地芟之也若今

取芟矣含實曰繩芟其繩則實不成熟耜之以耜測凍土

之若欲其化也則以水火變之謂以火燒其所芟萌之草已

而水之則其土亦和美矣

掌凡殺草之政令 碧族氏掌覆天鳥之巢惡鳴之鳥以方

書十日之號十有二辰之號十有二月之號十有二歲之號

二十有八星之號縣其巢上則去之方版也日謂從甲至癸辰謂從子至亥月謂從

嫌至茶歲謂從攝提格至赤奮若星謂從角至軫天鳥見此五者而去其詳未聞 翦氏掌除蠹物

以攻榮攻之以莽草熏之蠹物穿食人器物者蠹魚亦是也攻榮所名莽草藥物殺蟲者以熏

之則凡庶蠹之事也庶除毒蠹者蠹蠹之類赤艾氏掌除牆

屋以蜃炭攻之以灰酒毒之除牆屋者除蟲身藏逃其中者蜃大蛤也擣其炭以坩之則走

清灰以灑凡隙屋除其狸蟲狸蟲蝨肌蝮氏掌去蠹蝮焚

牡鞠以灰灑之則死牡鞠不華者齊魯之間謂蠶為蝮蝮取龜也蝮與耿通尤怒鳴為聒人耳去

之以其煙被之則凡水蟲無聲假令風從東方來則於水東面為煙令煙西行被之水上

壺涿氏掌除水蟲以炮土之鼓毆之以焚石投之水蟲低蟻之屬

炮土之鼓耳鼓也焚石投之使驚去若欲殺其神則以牡樺午貫象齒而沈之

則其神死淵為陵神謂水神龍問象樺讀為枯枯榆木名庭氏掌射國中之

天鳥若不見其鳥獸則以救日之弓與救月之矢射之不見

謂夜來鳴呼為怪者獸若神也則以太陰之弓與枉矢射之

狐狼之屬詳救日月考神謂非鳥獸之聲若或叫於宋太廟諸諸出出者太宰以九職任萬民二曰園圃

毓草木三曰虞衡作山澤之材四曰藪牧養蕃鳥獸山虞

掌山林之政令物為之厲而為之守禁物為之厲每物有蕃界也為之守禁為守

者設禁令也守者謂其仲冬斬陽木仲夏斬陰木陽木生山南者陰木

地之民占伐林木者也凡服耜斬季材以時入之季猶釋也服與

生山北者冬斬陽夏斬陰堅濡調柔忍也服北令萬民時斬材有期日入出有日數凡邦工入

服車之材山林而掄材不禁拾遺擇也不禁者山為久盡物春秋之斬木不入禁

非冬夏之時不得入所禁之
中斬木也斬四野之木可凡竊木者有刑罰 林衡掌巡

林麓之禁令而平其守
平其地之民守以時計林麓而賞罰

之
林麓蕃茂民不盜竊若斬木材則受法於山虞而掌其政

令
法萬民入出川衡掌巡川澤之禁令而平其守以時舍

其守犯禁者執而誅罰之
舍其守者時按視守澤虞掌國

澤之政令爲之厲禁使其地之人守其財物以時入之於玉

府頒其餘於萬民
其地之人占取澤物者因以部分使守之

有時日獸人掌害田獸辨其名物
害田也以同搏冬獻狼

夏獻麋春秋獻獸物凡獸入於腊人皮毛筋角入於玉府凡

田獸者掌其政令 敝人掌以時敝爲梁
梁水假也偃水爲

春獻王鮪凡敝者掌其政令凡敝征入於玉府 鼈人掌取

互物

互物謂有甲蒿胡適隨之屬

以時簪魚鼈龜蜃凡狸物

簪謂以杖刺泥中搏取之

狸物謂鱖刀含漿之屬

春獻鼈蜃秋獻龜魚掌凡邦之簪事

獸醫掌

療獸病療獸瘍凡療獸病灌而行之以節之以動其氣觀其

所發而養之

療畜獸必灌行之者為其病狀難知灌以緩之且強其氣也節趨驟之節也氣謂脈氣既行之

乃以脈視之以知所病也

凡療獸瘍灌而刮之以發其惡然後藥之養之

食之凡獸之有病者有瘍者使療之死則計其數以進退之

迹人禁麇卵者與其毒矢射者

麇鹿子

圉人掌圉遊之獸

禁

園遊園之禁宮小苑觀處也養以宴樂視之禁者其蕃衛也

牧百獸

備養眾物也

場人掌

國之場圃而樹之果蓏珍異之物以時斂而藏之

果棗李之屬蓏瓜瓠

之屬珍異蒲葛枇杷之屬

王制獺祭魚然後虞人入澤梁射祭獸然後

田獵鳩化為鷹然後設罝羅草木零落然後入山林昆蟲未

螯不以火田

尉小網也昆明也明蟲者得陽而生得陰而藏

不麝不卵不殺胎不妖

天天厭斷殺少

不覆巢

月令孟春命祀山林川澤犧牲毋用

牝為傷雄之類

禁止伐木毋覆巢毋殺孩蟲胎天飛鳥毋麝毋卵

仲春安萌芽養幼少存諸孤

助生氣也

毋竭川澤毋漉陂池毋焚

山林畜水曰陂穿地通水曰池

季春生氣方盛陽氣發泄句者畢出萌者

盡達不可以內

不可收斂也句屈生者芒而直曰萌

田獵罝罟羅網畢翳餒獸

之藥毋出九門

為鳥獸方孚乳傷之逆天時也獸罟曰罝罟曰羅罟曰羅罔小而柄長謂之畢翳射者所以

自隱也凡諸路及毒藥禁其出九門明其常有時不得用耳天子九門者路門也應門也雉門也庫門也皋門也城門也

近郊門也遠郊門也

孟夏毋伐大樹毋大田獵季夏命漁師伐蛟

取鼃登龜取鼃

四者甲無秋乃堅成蛟言伐者以其有兵衛也龜言登者尊異之也鼃龜言取羞物賤也

鼃皮又可

樹木方盛命虞人入山行木毋有斬伐季秋草木

以同鼓

以同鼓

黃落乃伐薪爲炭仲冬山林藪澤有能取蔬食田獵禽獸者

野處教道之其有相侵奪者罪之不赦大澤曰藪草木之實爲藪實季冬

命漁師始漁檀弓路馬死埋之以帷路馬君所乘者其他狗馬不能以帷蓋

穀梁傳莊二十八年冬築微山林藪澤之利所以與民共

也虞之非正也虞典禽獸之官言規固而築之又置宣公

夏濫於泗淵潰罟於泗水之里革斷罟而棄之曰古者大寒

降土蟄發水虞於是乎講戾留取名魚登川禽而嘗之寢廟

行諸國人助宣氣也鳥獸孕水蟲成獸虞於是乎禁罝羅猶

魚鼈以爲夏槁助生阜也鳥獸成水蟲孕水虞於是乎禁罝

罝設罝鄂以實廟庖畜功用也且夫山不槎蘖澤不伐天魚

禁鯤鰭鯢魚子也鰭未成魚也獸長麀麋鳥翼鰲卵生哺曰鰲未乳曰卵鼈舍蜺

螻

蜚蠊子也螻蛄也

蟠庶物也古之訓也今魚方別孕不教魚長又

行網罟貪無藝也

別別于雄而獲于也

定公以孔子爲司空乃別五

土之性而物各得其所生之宜咸得厥所晏子曰山林之

木衡鹿守之澤之茭蒲舟蛟守之藪之薪蒸虞候守之海之

鹽蜃祈望守之

衡鹿舟蛟虞候祈望皆官名也

孟子曰不違農時穀不可

勝食也數罟不入洿池魚鼈不可勝食也斧斤以時入山林材木不可勝用也穀與魚鼈不可勝食材木不可勝用是使民養生喪死無憾也養生喪死無憾王道之始也

賈誼新書聖主之於禽獸也見其生不食於死聞其聲不嘗其肉隱弗忍也故遠庖廚仁之至也不合圍不掩羣不射宿不涸澤豺不祭獸不田獵獺不祭魚不設網罟鷹隼

不鷺雉而不逮不出類羅草木不零落斧斤不入山林昆蟲不蟄不以火田不麝不卵不剝胎不夭魚肉不入廟門鳥獸不成毫毛不登庖廚取之有時用之有節物莫不多詩曰王在靈囿麀鹿攸伏麀鹿濯濯白鳥皤皤王在靈沼於仞魚躍言德志也聖主所以在魚鼈禽獸猶得其心況於人民乎故仁人行其禮則天下安而萬理得矣逮至德渥澤洽調和大暢則天清澈地富煖物時熟民心不挾詐賊氣脉淳化搜剔搏擊之獸鮮毒蠹猛虻之蟲密毒山不蕃草木少薄矣鑠乎大仁之化也

漢上林苑養百獸禽鹿嘗祭祠祀賓客用鹿千枚麋兔無數以飛具繒繳以射鳧雁應給祭祀置酒每射收得萬頭以上

給太官天子秋冬射獵取禽獸無數實其中武帝時使上林苑中官奴婢及天下貧民貲不滿五千徙置苑中養鹿因收撫鹿矢人日五錢到元帝時七十億萬以給軍擊西域終軍從上幸雍獲白麟一角五蹄又得奇木支旁出輒復合上異之終軍對曰野獸并角明同本也眾支內附示無外也若此之應殆將有解編髮削左衽襲冠帶要衣裳而蒙至化者焉由是改元曰元狩後越地及匈奴名王率眾來降元康三年六月詔曰前年夏神爵集雍今春五色鳥以萬數飛過屬縣翱翔而舞欲集未下其令三輔毋得以春夏摘巢探卵彈射飛鳥其爲令

後漢元和二年正月詔三公曰方春生養萬物孳甲宜助萌

陽以育時物三年二月己丑勅侍御史司空曰方春所過無得有所伐殺車可以引避引避之騑馬可輟解輟解之詩云敦彼行葦牛羊勿踐履禮人君伐一草木不時謂之不孝俗知順人莫知順天其明稱朕意

後魏彭城王勰與帝昇金墉顧見堂後桐竹曰鳳凰非梧桐不棲非竹實不食今桐竹並茂詎能降鳳乎勰曰鳳凰應德而來非桐竹能降帝曰朕亦望降之

唐虞部郎中員外郎掌天下虞衡山澤之事而辨其時禁凡採捕畋獵必以其時冬春之交水蠶孕育捕魚之器不施川澤春夏之交陸禽孕育餽獸之藥不入原野夏苗之盛不得蹂藉秋實之登不得焚燎若虎豹豺狼之害則不拘其時聽

爲檻穽獲則賞之大小有差

諸有猛獸處聽作檻穽射窠等得卽於官每一賞絹四疋殺豹

及狼每一賞絹一疋若在牧監內獲豺亦每一賞絹一匹子各半匹

凡京兆河南二都其近爲

四郊三百里皆不得弋獵採捕

每年五月正月九月皆禁屠殺採捕

凡殿中太

僕所管閑廐馬兩都皆五百里供其芻藁其關內隴右西使

北使南使諸牧監馬牛駝羊皆貯藁及芟草

高原藁支七年芟草支四年平

地藁支五年芟草支三年下土藁支四年芟草二年

其柴炭木植進內及供百官蕃客

並於農隙納之

供內及宮人起十月畢二月供百官蕃客起十一月畢正月

上林署令掌

苑囿園池之事丞爲之貳凡植果樹蔬菜以供朝會祭祀其

尙食進御及諸司常料亦有差諸司吏執抄旁詣囿然後給

之京都苑總監掌宮苑內館園池之事副監爲之貳凡禽魚

果木皆總而司之凡給總監及苑內官屬人畜出入皆爲差

降之數典廐令掌繫飼馬牛給養雜畜之事丞爲之貳凡象

一給貳丁細馬一中馬二驚馬三馳牛騾各四驢及純犢各

六羊二十各給一丁

純謂色不雜者若飼黃禾及青草各準運處遠近臨時加給也乳駒乳

犢十給一丁凡象日給橐六圍馬馳牛各一圍羊十一各一

圍

每圍以三尺爲限也

蜀馬與騾各八分其圍騾四分其圍乳駒乳犢

五共一圍青芻倍之凡象日給稻菽各三斗鹽一升馬粟一

斗鹽六勺乳者倍之馳及牛之乳者運者各以斗菽田牛半

之馳鹽三合牛鹽二合羊粟菽各升有四合鹽六勺

象馬騾牛馳飼

青草白粟豆各減半鹽則恒給飼禾及青荳者粟豆全斷若無青可飼粟豆依舊給其象至冬給羊皮及故氈作衣也

典牧令掌諸牧雜畜給納之事丞爲之貳凡羣牧所送羊犢

皆受之而供於廩犧尙食之用諸司合供者亦如之諸牧監

掌羣牧孳課之事凡馬五千匹爲上監三千匹以上爲中監已下爲下監凡馬牛之羣以百二十駝騾驢之羣以七十羊之羣以六百二十羣牧長牧尉牧子八考白丁十考隨文武簡試與資也凡馬有左右監以別其羣良以數紀爲名而著其簿籍細馬之監稱左羣馬之監稱右其雜畜牧皆同下監仍以上地爲其監名凡馬各以年名籍之每歲季夏造至孟秋羣牧使以諸監之籍合爲一諸羣牧別立南使北使西使東使以分統之常以中秋上於寺凡馬以季春遊牝于牧其駒犢在牧三歲別羣若與本羣同牧不別給牧人馬牧牝馬四遊五課駝四游三課牛驢三游四課羊三游四課羊則當年而課之其課各有率牛馬騾之牝百而歲課駒犢各以六

十馬二十歲則不課三歲游牝而生駒者仍別簿申驪駒半之若馬從外蕃至者初年課以四十二年課五十三年全課牝驪百而三年之課七十羔羊之白者七十殺者八十凡監牧孳生過分則賞馬贖駒一賞絹一匹驪騾之贖倍於馬驢牛之贖三白羊之贖七殺羊之贖十皆與馬同其賞物二分入長一分入牧子牧子謂長上專當者其監官及牧尉各通計所管長尉賞之尉官十五長者贖駒十五匹賞絹一匹監官管尉五者贖駒七十五匹賞絹一匹計加亦準此應賞準印後定數先填死耗足外然後計酬之其有死耗者每歲亦以率除之驪馬百頭以七頭爲耗騾以六牛驢殺羊以十白羊以十五從外蕃新至者馬牛驢殺羊皆除二十二年除十五駒除十

四二年除十騾除十二年除九白羊除二十五二年除二十
三年皆同耗也若歲疫以私畜準同者以疫除準物側近私
畜疫死數同則聽以疫除馬不在疫除之例卽馬牛一十一
歲以上不入耗除限若緣非時霜雪死多者錄奏凡官畜在
牧而亡失者給程以訪過日不獲估而徵之給訪百日不獲
準失處當時估價徵納牧子及長各知其半若戶奴無財者
準銅依加杖例如有闕及身死唯徵見在人分其在廐失者
主帥準牧長飼丁準牧子其非理死損準本畜徵納凡在牧
之馬皆印印左膊以小官字右脾以年辰尾側以監名皆依
左右廂若形容端正擬送尙乘不用監名二歲始春則量其
力又以飛字印印其左髀膊細馬次馬以龍形印印其項左

送尙乘者尾側依左右關印以三花其餘雜馬送尙乘者以風字印印左膊以飛字印印右髀驃馬驢則官名誌其左膊監名誌其右髀馳羊則官名誌其頰羊仍割耳若經印之後簡入別所者各以新入處監名印其左頰官馬賜人者以賜字印配諸軍及充傳送驛者以出字印並印左右頰每歲進馬應良有差使司每歲簡細馬五十匹敦馬一百匹進之若諸監細馬生駒以其數申所由司次入寺其四歲以下廐馬每年簡充衛官馬凡馬牛皮脯及筋角之屬皆納于有司每年終監牧使巡按孳課之數以功過相除爲考課焉

宋養象所掌調御馴象駝坊車營致遠務掌分養襍畜以供負載般運牧養上下監掌治療病馬及申駒數有耗失則送

皮剝所祥符三年禁方春射獵每歲春夏之交所在長吏申

明之

元祐初程頤爲崇政殿說書聞上在宮中墮而避蟻間有是乎曰然恐傷之爾頤曰推此心以及四海帝王之

要道也

紹興三十年二月禁民春月捕鳥獸

遷設羣牧使司及監養鳥獸等官有監鹿詳穩司監雉詳穩司道宗清寧二年詔曰方夏長養鳥獸孳育之時不得縱火於郊

金大定二十五年十月禁止上京等路大雪及含胎時採捕十一月詔射未祭獸不許採捕冬月雪尺以上不許用網及速撤海恐盡獸類

元世祖時禁春夏田獵孕字野獸又勅禽獸字孕時毋田獵文宗至順元年詔凡立營司境內所屬山林川澤其鳥獸魚

隨悉供內膳諸獵捕者坐罪

明上林苑監掌苑囿園池牧畜樹種之事凡禽獸草木蔬果率其屬督其養戶栽戶以時經理其養地栽地而畜植之以供祭祀賓客官府之膳羞凡苑地東至白河西至西山南至武清北至居庸關西南至渾河並禁園獵良牧牧牛羊豕蕃育育鵝鴨鷄皆籍其牝牡之數而課孳卵焉林衡典果實花木嘉蔬典蒔藝瓜菜皆計其町畦樹植之數而以時苞進焉虞衡典山澤採捕之事凡鳥獸之肉皮革骨角羽毛可以供祭祀賓客膳羞之需禮器軍實之用歲下諸司採捕水課禽十八獸十二陸課獸十八禽十二皆以其時冬春之交且風不施川澤春夏之交毒藥不施原野苗盛禁蹂躪穀登禁焚

燎若害獸聽爲陷穽獲之賞有差凡諸陵山麓不得入斧斤
三代聖王爲治之具無所不備由天以及人由人以及
物觀於周官月令王制所記凡飛潛動植之類生之以
道取之以時順天地自然之序而和氣翔洽於上下中
庸所謂盡人性則能盡物性盡物性則能贊天地化育
者是也讀漢帝諸詔及唐人六典猶見三代遺義至秦
隋五代之亂人且不保其生何有於物語曰豺狼當道
安問狐狸方有明之末造野犬化爲狼相率而食人雖
曰兵戈之後沴氣相爲感召亦由王政不修而人不足
以勝物之過也

六典通考卷一百六十四

湖西閻鎮珩輯

王政考

酒政

戰國策云梁王魏嬰觴諸侯於范臺酒酣請魯君舉觴
魯君興避席曰昔者帝女令儀狄作酒而美進之禹禹
飲而甘之遂疏儀狄絕旨酒曰後世必有以酒亡其國
者三禮圖曰射爲罰爵名豐作人形豐國名其君以酒
亡因載盃以戒酒故崔駰酒箴云豐侯沈酒荷嬰負缶
自僂於世圖形戒後記曰豢豕爲酒非以爲禍而獄訟
益繁則酒之流生禍也是故先王爲酒禮一獻之禮賓

主百拜終日飲酒而不得醉焉此先王之所以備酒禍也

萍氏幾酒

苛察沽買過多及非時者謹酒使民節用酒也

酒誥王若曰明大命

于妹邦乃穆考文王肇國在西土厥誥毖庶邦庶士越少正御事朝夕曰祀茲酒惟天降命肇我民惟元祀天降威我民用大亂喪德亦罔非酒惟行越小大邦用喪亦罔非酒惟辜文王誥敎小子有正有事無彝酒越庶國飲惟祀德將無醉惟曰我民迪小子惟土物愛厥心臧聰聽祖考之彝訓越小大德小子惟一妹土嗣爾股肱純其藝黍稷奔走事厥考厥長肇牽車牛遠服賈用孝養厥父母慶自洗腆致用酒庶士有正越庶伯君子其爾典聽朕敎爾大克羞者惟君爾乃飲

食醉飽不惟曰爾克永觀省作稽中德爾尙克羞饋祀爾乃
自介用逸茲乃允惟王正事之臣茲亦惟天若元德永不忘
在王家王曰封我西土棐徂邦君御事小子尙克用文王教
不腆于酒故我至于今克受殷之命王曰封我聞惟曰在昔
殷先哲王迪畏天顯小民經德秉哲自成湯咸至于帝乙成
王畏相惟御事厥棐有恭不敢自暇自逸矧曰其敢崇飲越
在外服侯甸男衛邦伯越在內服百僚庶尹惟亞惟服宗工
越百姓里居罔敢湏于酒不惟不敢亦不暇惟助成王德顯
越尹人祇辟我聞亦惟曰在今後嗣王酣身厥命罔顯于民
祇保越怨不易誕惟厥縱淫佚于非彝用燕喪威儀民罔不
盡傷心惟荒腆于酒不惟自息乃逸厥心疾狠不克畏死辜

在商邑越殷國滅無羅弗惟德馨香祀登聞于天誕惟民怨
庶羣自酒腥聞在上故天降喪于殷罔愛于殷惟逸天非虐
惟民自速辜王曰封予不惟若茲多誥古人有言曰人無於
水監當於民監今惟殷墜厥命我其可不大監撫于時予惟
曰汝劓毖殷獻臣侯甸男衛矧太史友內史友越獻臣百宗
工矧惟爾事服休服采矧惟若疇圻父薄違農父若保宏父
定辟矧汝剛制于酒厥或誥曰羣飲汝勿佚盡執拘以歸于
周予其殺又惟殷之迪諸臣百工乃湏于酒勿庸殺之姑惟
教之有斯明享乃不用我教辭惟我一人弗恤弗獨乃事時
同于殺王曰封汝典聽朕毖勿辯乃司民湏于酒

日知錄水爲地險酒爲人險故易爻之言酒者無非坎卦

而萍氏掌國之水禁水與酒同官

黃魯直作黃彝字說云酒善溺人故六彝皆以

舟爲足

徐尙書石麟有云傳曰水懦弱民狎而玩之故多死

焉酒之禍烈於火而其親人甚於水有以夫世盡灰於酒而不覺也讀是言者可以知保生之道螢雪叢談言頃年陳公大卿生平好飲一日席上與同僚談舉知命者不立乎巖牆之下問之其人曰酒亦巖牆也陳因是有聞遂終身不飲頃者米醪不足而烟酒興焉則眞變而爲火矣

漢文帝元年詔曰以口量地其於古猶有餘而食之甚不足者其咎安在無乃爲酒醪以靡穀者多與景帝中三年夏旱禁酤酒

後漢永元十六年二月詔兗豫徐冀四州比年雨多傷稼禁

沽酒漢安二年十月禁沽酒永興二年詔曰朝政失中雲漢
作旱蝗蠱滋蔓饑饉僅薦臻趣不糜爛則爲國寶其禁郡國不
得賣酒祠祀裁足建安時年饑兵興曹操表制酒禁孔融頻
書爭之云酒之爲德久矣古先哲王類帝禋宗和神定人以
濟萬國非酒莫以也故天垂酒星之耀地列酒泉之郡人著
旨酒之德堯不千鍾無以建太平孔非百觚無以堪上聖樊
噲解厄鴻門非豕肩鍾酒無以奮其怒趙之廝養東迎其王
非引卮酒無以激其氣高祖非醉斬白蛇無以暢其靈景帝
非醉幸唐姬無以開中興袁盎非醕醪之力無以脫其命定
國不酣飲一斛無以決其法故酈生以高陽酒徒著功於漢
屈原不餽糟歠醕取困於楚由是觀之酒何負於政哉

劉先
主時

天早禁酒釀者有刑吏於人家索得釀具論者欲令與作酒者同罰簡雍與先主遊觀見一男女行道謂先主曰彼人欲行淫何以不縛先主曰卿何以知之雍對曰彼有其具與欲釀者同先主大笑而原欲釀者

顧炎武曰邠原之游學未嘗飲酒大禹之疏儀狄也諸葛亮之治蜀路無醉人武王之化妹邦也

後魏大安四年釀酤飲者皆斬

唐初無酒禁乾元元年京師酒貴肅宗以廩食方屈乃禁京城酤酒期以麥熟如初二年饑復禁酤非光祿祭祀燕蕃客不御酒貞元二年禁京城畿縣酒元和時楊惠元鎮奉天詔移京西戍兵萬二千人以備關東帝御望春樓賜宴諸將列坐酒至神策將士皆不飲帝使問之惠元時爲都將對曰臣初發奉天本軍帥張巨濟與臣等約曰斯役也將策大勳建

大名凱旋之日當共爲歡苟未戎捷無以飲酒故臣等不敢
違約而飲既發有司供餽於道路唯惠元一軍併轡不發上
稱歎久之降璽書慰勞及田悅叛詔惠元領禁兵三千與諸
將討伐御河奪三橋皆惠元功也會昌六年九月敕聞禁止
私酤過於嚴酷一人違犯連累數家閭里不免資怨今後如
有私沽酒及置私麴者舉止一身并所由容縱任據罪處分
鄉井之內如不知情不得追擾其所犯之人任用重典不得
沒入家產

五代漢初犯麴者并棄市周至五斤者死

宋建隆二年以周法太峻犯私麴至五十斤以私酒入城至
三斗者始處極刑餘論舉有差私市酒麴者減造人舉之半

三年下酒麴禁戶私造差定其舉城郭二十斤鄉閭三十斤
棄市民持私酒入京城五十里西京及諸州城二十里者至
五斗處死所定里數外有官署酤酒而私酒入其地一石棄
市乾德四年詔比建隆之禁第減之沈括筆談太宗朝禁本
買魚肉及酒入營門者
有熙寧三年詔諸郡遇節序毋得以酒相饋初知渭州蔡挺
言陝西有醴公使酒交遺至踰二十驛道路煩苦詔禁之至
是都官郎中沈行復言知莫州柴貽範饋它州酒至九百餘
瓶用兵夫踰一百人故并諸路禁焉

金海陵正隆五年制朝官飲酒者死

元至元二十年定令造酒者本身配役財產女子沒官

日知錄立

法太過故
不久而弛

顧炎武曰先王之於酒也禮以先之刑以後之周書酒誥厥或告曰羣飲汝勿佚盡執拘以歸於周予其殺此刑亂國用重典也周官萍氏幾酒謹酒而司戒禁以屬遊飲食于市者若不可禁則搏而戮之此刑平國用中典也一獻之禮賓主百拜終日飲酒而不得醉焉則未及乎刑而坊之以禮也故成康以下天子無甘酒之失卿士無酣歌之愆至于幽王而天不泯爾之詩始作其教廢矣漢興蕭何造律三人以上無故羣飲酒罰金四兩曹參代之自謂遵其約束乃園中聞吏醉歌呼而亦取酒張飲與相應和是并其畫一之法而亡之也坊民以禮鄧侯旣闕之於前糾民以刑平陽復失之於後宏羊踵此從而榷酤夫亦開之

有其漸乎武帝天漢三年初榷酒酤昭帝始元六年用賢

良文學之議罷之而猶令民得以律占租賣酒升四錢遂

以爲利國之一孔而酒禁之弛實濫觴於此

因學紀聞謂
榷酤之害甚

於魯之
初稅畝

然史之所載自孝宣已後有時而禁有時而開至

唐代宗廣德二年十二月詔天下州縣各量定酤酒戶隨

月納稅除此之外不問官私一切禁斷自此名禁而實許

之酤意在榷錢而不在酒矣宋仁宗乾興初言者以天下

酒課月比歲增無有藝極非古禁羣飲節用之意孝宗淳

熙中李燾奏謂設法勸飲以斂民財周輝雜志以爲惟恐

其不多而課不羨此榷酤之弊也至今代則既不榷緡而

亦無禁令民間遂以酒爲日用之需比于饔飧之不可闕

若水之流滔滔皆是而厚生正德之論其有起而持之者
矣 陳兆崙曰孫公嘉淦以高粱祗堪供造酒之用推論
禁止之弊謂於生計有損此說誠矯枉過當夫使果重其
罰而立致其效則家有蓋藏巷無羣飲豈非爲治者至願
所慮者在不能禁止耳天下承平日久狃於休養之樂安
知耗穀之患而但以爲大欲所在日用之常也

冰政

韓詩外傳冰者窮谷陰氣所聚不洩則結而爲伏陰詩
云二之日鑿冰冲冲三之日納于凌陰二之日夏之十
二月三之日夏之正月周以十一月爲正二之日當夏
之十二月三之日當夏之正月
冲冲聲也凌陰冰室也十二月之時天地大寒水化爲

冰鑿取堅冰至正月納藏于室之中人君春夏祭祀及其掌食卒有凶事則得以斂人臣無冰室其終卒君錫之以冰故左傳云自命夫命婦至于老疾無不受冰

凌人掌冰正歲十有二月令斬冰三其凌正歲季冬火星中凌冰室也三之者為消釋度也杜子春

讀掌冰為主冰夏正三其凌三倍其凌春始治鑑口以盛冰

置食物於中以禦溫氣凡外內饗之饔羞鑑焉凡酒漿之酒醴亦如之

酒醴見溫氣亦失味祭祀共冰鑑賓客共冰不以鑑往嫌酒漿酒人漿人也

喪共夷槃冰夷之言尸也實冰于夷槃中置之尸牀之下所以寒尸

漢禮器制度大樂廣八尺長丈二尺深三尺漆夏頒冰掌事暑氣盛王以冰秋刷刷清也秋涼冰不

赤中月令季春之月天子乃鮮羔開冰先薦寢廟鮮當為獻獻羔謂祭司寒

而出冰薦於宗季冬冰方盛水澤腹堅命取冰腹厚也此月

廟乃後賦之日在北陸冰

堅厚之時也北陸謂虛也冰以入令告民出五種冰既入而令田官告民出五種明大寒氣過農

事將起也幽風二之日鑿冰沖沖三之日納于凌陰四之日其

蚤獻羔祭韭冰盛水腹則命取冰於山林昭公四年大雨

雹季武子問於申豐曰雹可禦乎禦止也對曰聖人在上無雹

雖有不為災古者只在北陸而藏冰陸道也謂夏十二月日在虛危冰堅而藏之

西陸朝覲而出之夏三月日在昴畢蠶蟲出而其藏冰也

深山窮谷固陰沍寒於是乎取之沍固也必取積陰之冰所以道達其氣使不為災

其出之也朝之祿位賓食喪祭於是乎用之其藏之也黑牡

秬黍以享司寒黑牡黑牲秬黑黍也其出之也桃弧棘矢以

除其災桃弓棘箭所以禳除凶邪其出入也時食肉之祿冰皆與焉食肉之祿

謂在朝廷治事大夫命婦喪浴用冰祭寒而藏之享司獻羔

之臣就官食者

而啟之

謂二月春分藏羔祭非始開冰室

公始用之火出而畢賦

火星昏見東方謂三

月四

自命夫命婦至於老疾無不受冰山人取之縣人傳之

山人虞官縣人遠屬

與人納之隸人藏之

與隸皆賤官

夫冰以風壯而以風

出

順春風其藏之也周也

其用之也徧則冬無愆陽夏無

伏陰春無淒風秋無苦雨

霖雨爲人所患苦

雷出不震無菑霜雹癘

疾不降

病惡氣也

民不夭札今藏川池之冰棄而不用

既不藏深山窮谷之

冰又火出不畢賦有餘則棄之

風不越而殺雷不發而震

越散也言陽陰失序雷風爲害

之爲災誰能禦之七月之卒章藏冰之道也

七月詩幽風卒章見上

蘇氏曰古者藏冰發冰以節陽氣之盛夫陽氣之在天地

如火之著于物當有以解之十二月陽氣蘊伏涸而未發

其盛在下則納冰于地中至二月四陽作蟄蟲起陽始用

事則始啓冰而廟薦之至四月陽氣畢達陰氣將絕則冰於是大發食肉之祿老病喪浴冰無不及

漢藏冰之室謂之凌室

晉冰室在宣揚門內恒有冰天子用賜王公眾官

宋大明六年詔立凌室藏冰有司奏季冬之月冰壯之時凌室長率山虞及輿隸取冰於深山窮谷惛陰沍寒之地以納於凌陰務令周密無洩其氣先以黑牡秬黍祭司寒於凌室之北仲春之月春分之日以黑羔秬黍祭司寒啟冰室先薦寢廟夏祠用鑑盛冰室一鑑以禦溫氣蠅蚋三御殿及大官膳羞竝以鑑供冰自春分至立秋有臣妾喪詔贈祕器自立夏至立秋不限稱數以周喪事繕制夷槃隨冰供給凌室在

樂遊苑內置長一人吏一人保舉吏一人

唐制先立春三日用黑牡秬黍祭司寒祭訖鑿冰萬段方三尺厚尺五寸納諸冰井仲春開冰祭如藏禮加以桃弧棘矢每歲藏冰一千石所管州于山谷鑿而取之

後唐長興元年冬十月丁酉始藏冰

後周太祖詔藏冰開冰依唐禮祭司寒俟冰室成卽行之

宋淳化三年祕書監李至言按詩豳風四之日獻羔祭韭蓋謂周以十一月爲正其四月卽今之二月也春秋傳曰日在北陸而藏冰謂夏十二月日在危也獻羔而啟之謂二月春分獻羔祭韭始開冰室也火出而畢賦火星昏見謂四月中也又按月令天子獻羔開冰先薦寢廟是知開冰當在春分

乃有司之失也帝覽奏曰今四月韭可苫屋矣何謂薦新遂正其禮天聖新令春分開冰祭司寒於冰井務卜日薦冰於太廟季冬藏冰亦如之

明禮部精膳司凡歲藏冰出冰移所司謹潔之

火政

昔燧人氏作觀乾象察辰心而出火作鑽燧別五木以改火由是燔炙之利興焉炎帝因之以火紀官爲火師而火名在黃帝時命甯封子爲陶正掌火能作五色烟及于重黎爲帝嚳火正能光融天下號曰祝融堯火帝而王其色尙赤伊尹說湯五味九沸九變火爲之紀風俗通曰火者南方陽光輝爲明聖人嚮之而治取其象

也淮南子曰陽燧見日則燃而爲火注云陽燧金也曰高三四丈持以向日燥艾承之寸餘有頃焦吹之則得火周官司烜氏所掌是也日知錄云有明火有國火明火以陽燧取之於日近於天也故卜與祭用之國火取之五行之木近於人也故烹飪用之

司燿掌行火之政令四時變國火以救時疾

行猶用也變猶易也鄒子曰春

取榆柳之火夏取棗杏之火季夏取桑柘之火秋取柞櫟之火冬取槐檀之火季春出火民咸從之

季秋內火民亦如之火所以用陶治民隨國而爲之以三月本時昏心星見於辰上使民出火九月

本黃昏心星伏在戊上使民內火時則施火令焚萊凡國失火野焚萊則有

刑罰焉野焚萊民擅放火司烜氏中春以木鐸修火禁於國中爲

春將出火也火禁謂用火之處及備風燥宮正春秋以木鐸修火禁出火星以春

天時而

以戒

王氏詳說曰周禮有民火有公火司燿掌火之政令

民火也司烜以夫遂取明火於日公火也賈氏徒見司燿有

季春出火季秋內火之文遂以爲春秋火禁之證非也蓋宮

正修火禁於宮中而出納火者民火耳至司烜中春修火禁

於國中言春而不及秋以出火爲主耳 郊特牲季春出火

爲焚也

謂焚萊也凡出火以火出

禮書建辰之月鶉火見于南方則令民

出火所謂季春出火是也建戌之月火伏于日下故令民納

火所謂季秋納火是也司烜仲春修火禁以火未出而不可

以作火故也王制昆蟲未蟄不以火田以火伏而后蟄者畢

故也然孟春啟蟄而周禮中春之田有火弊者焚圃草以田

可也焚山林以田不可也月令仲春禁火禮也郊特牲季春

出火爲焚非禮也春秋之時楚子田使齊侯載燧此火田之
所用者歟管子春以羽獸之火爨夏以毛獸之火爨秋以
介蟲之火爨冬以鱗獸之火爨中央以倮蟲之火爨惠士奇
曰羽獸南方朱鳥火烟赤毛獸西方白虎火烟白介蟲北方
玄武火烟黑鱗獸東方蒼龍火烟青倮蟲中央黃龍火烟黃
然則春取榆柳之火於南方夏取棗杏之火於西方秋取柞
櫟之火於北方冬取槐檀之火於東方中央取桑柘之火於
坤方舊說以春青冬黑又以榆柳不青槐檀不黑皆非也柳
爲鳥喙衝散爲榆蕪夷也榆在地赤心者良則榆柳爲南方之
木信矣春秋說曰槐木者靈星之精非東方之木乎賈誼曰
柳者南方之木桑者中央之木棘者西方之木棘者棗也秦

漢有別火之官主改火之事春青冬黑乃其常也又焉用別

淮南子冬至甲子受制木用事火烟青七十二日戊子受

制土用事火烟黃七十二日庚子受制金用事火烟白七十

二日丙子受制火用事火烟赤七十二日壬子受制水用事

火烟黑七十二日周柄中曰其次序土先於金金先於火與

十二日爲丙子丙子後七十二日爲戊子戊子後七十二日

爲庚子庚子後七十二日爲壬子壬子後七十二日爲

云日冬至七十二日木用事其氣燥而青七十二日火用

事其氣慘陽而赤七十二日土用事其氣溫濁而黃七十二

日金用事其氣慘淡而白七十二日水用事其氣清寒而黑

次序秩然原文錯誤特正之

羅泌路史古者鑽燧改火豈惟惠民哉以順天也四時五

變榆柳青故春取之棗杏赤故夏取之桑柘黃故季夏取

之柞櫟白故秋取之槐檀黑故冬取之皆因其性故可救

時疾嘗攷心者天之大火而辰戌者火之二墓是以季春
心昏見于辰而出火季秋心昏見于戌而納之卯爲心之
明堂心至是而火大壯是以仲春禁火戒其盛也成周盛
時每歲仲春命司烜氏以木鐸修火禁于國中爲季春將
出火而司燿掌行火之政令四時變國火以救時疾季春
出火季秋納火民咸從之時則施火令凡國失火野焚萊
則隨之以刑罰夫然後天地順而四時成氣不愆伏國無
疵癘而民以寧

襄公九年宋災晉侯問於士弱曰吾聞之宋災於是乎知有
天道何故對曰古之火正或食於心或食於味以出內火是
故味爲鶉火心爲大火

謂火正之官配食於火星建辰之月
鶉火星昏在南方則令民放火建戌

之月大火星伏在日下夜不得見則令民內火禁放火陶唐氏之火正閼伯居商邱

高辛氏之子辰大火祀大火而火紀時焉謂出內相土因之

故商主大火代閼伯之後居商人閱其禍敗之變必始於火

是以自知其有天道也閼猶數也商人數說曰古之火正謂

火官也掌祭火星行火政季春昏心星出東方而昧七星鳥

首正在南方則用火季秋星入則止火以順天時救民疾帝

嚳則有祝融堯時有閼伯民賴其德死則以爲火祖配祭火

星故曰或食於心或食於昧也相土商祖契之曾孫據諸典

即禹之孫今云代閼伯後主火星宋其後也世司其占故先

知火災賢君見變能修道以除凶亂君亡象天不譴告故不

可必也 昭公六年三月鄭人鑄刑書士文伯曰火見鄭其

火乎

火心星周五月昏見

火未出而作火以鑄刑器藏爭辟焉火如象

之不火何爲

象類也同氣相求火未出而用火相感而致災

說曰火星出於周五月

而鄭以三月作火鑄鼎刻刑辟書曰爲民約是爲刑器爭辟

故火星出與五行之火爭明爲災其象然也又棄法律之占

也不書於經時不告魯也 昭公九年夏四月陳災鄭裨竈

曰五年陳將復封封五十二年而遂亡子產問其故對曰陳

水屬也

陳顓頊之後故爲水屬

火水妃也

火畏水故爲之妃

而楚所相也

相治也楚

之先祖融爲高辛氏火正主治火事

今火出而火陳

火心星也火出於周爲五月而陳以四月出者以長歷

推前年

逐楚而建陳也

水得妃而興陳興則楚衰故曰逐楚而建陳

如以五成故

曰五年

如合也五行各相妃合得五而成故五歲

歲五及鶉

火而後陳卒亡楚克有之天之道也故曰五十二年

是歲歲在星紀

五歲及大梁而陳復封自大梁四歲而及韓火後四周四十
八歲凡五及韓火五十二年天數以五為紀故五及韓火火
盛水董仲舒曰象王室將亂天下莫救故災四國言亡四方
衰

也又宋衛陳鄭之君皆荒淫於樂不恤國政與周室同行陽

失節則火災出是以同日災也 十七年梓慎曰火出於夏

為三月見謂於商為四月於周為五月夏數得天謂天若火

作其四國當之在宋衛陳鄭乎宋大辰之虛也大辰大火陳

大皞之虛也大皞居陳木鄭祝融之虛也祝融高辛氏皆火

房也房舍星孛天漢漢水祥也天漢衛顓頊之虛也故為帝

丘衛今濮陽縣昔帝顓頊其星為大水衛星營室水火之牡

也壯雄其以丙子若壬午作乎水火所以合也丙午火壬子

相薄水少而火說曰顓頊以水王陳其族也今茲歲在星紀
多故水不勝火

後五年在大梁大梁昴也金爲水宗得其宗而昌故曰五年
陳將復封楚之先爲火正故曰楚所相也天曰一生水地曰
二生火天曰三生木地以四生金天曰五生土五位皆曰五
而合而陰陽易位故曰妃以五成然則水之大數六火七木
八金九土十故水曰天一爲火二牡木曰天三爲土十牡土
曰天五爲水六牡火曰天七爲金四牡金以天九爲木八牡
陽奇爲牡陰耦爲妃故曰水火之牡也火水妃也於易坎爲
水爲中男離爲火爲中女蓋取諸此也自大梁四歲而及鶉
火四周四十八歲凡五及鶉火五十二年而陳卒亡火盛水
衰故曰天之道也 二十九年火正曰祝融

祝融明貌
顓頊其祀犂

氏有子曰犂爲祝融

犂爲火正

左傳正義服虔云炎帝以火名官春官爲大火夏官爲鶉
火秋官爲西火冬官爲北火中官爲中火其說虛而不經
不足信

漢武帝置別火令丞典司燧事

後漢周舉遷并州刺史太原舊俗以介子推焚骸有龍忌之
禁至其月咸言神靈不樂舉火移書于子推廟云春中寒食
一月老小不堪今則三日而已

晉人爲子推禁火見于後漢書荆楚歲時記及周斐先
賢傳陸剡鄴中記然考左傳史記並無介子推被焚事
案周禮司烜氏修火禁于國中注云爲季春將出火也
今寒食准節氣在仲春末清明當三月初然則禁火蓋

沿周之舊制不曰子推也

魏武帝明罰令曰問太原上黨西河雁門冬至後百五日皆絕火寒食云爲介子推且北方沍寒之地老少羸弱將有不堪之患令到人不得寒食若犯者家長半歲刑主吏百日刑令長奪一月俸

東晉初有王離妻李將河南火渡江云受于祖母王有遺書二十卷臨終戒勿絕火遂常種之傳二百年火色如血謂之聖火

宋齊之間李姬年九十餘以火治病多瘡姬死人爲葬之號聖火冢陰雨每見火出冢間今號其處爲聖火巷

隋王劭嘗以先王有鑽燧改火之義於是表請變火曰古者

周官四時變火以救時疾明火不變則時疾必興聖人作法
豈徒然哉在晉時有人以雒陽火渡江世世事之相續不滅
火色變青昔師曠食飯云是勞薪所爨晉平公使視之果然
車輶今溫酒炙肉用石炭火木炭火竹火草火麻荻火氣味
各自不同以此推之新火舊火理應有異伏願遠遵先聖於
五時取五木以變火用功甚少救益方大楊仁曰晉之東也
未閱三百年而色轉
青此必有官主之

唐朝于清明取榆柳之火以賜近臣順陽氣也長安清明尙
食內園官小兒于殿前鑽火先得火者進上賜絹三匹金碗

一口都人聚門外以觀

會要曰禁火乃周之舊制唐宋清
明日賜新火亦周人出火之義

羅泌路史鄭以三月鑄刑書而士文伯以爲必災六月而

鄭火蓋火未出而作火宜不免也今之所謂寒食一百五者熟食斷煙謂之龍忌蓋本乎此而周舉之書魏武之令與夫汝南先賢傳陸翽鄴中記等皆以爲爲介子推謂子推以三月三日燔死而後世爲之禁火吁何妄耶夫火惡陳薪惡勞自開闢時已然晉代荀勗進飯亦知薪勞而隋文帝所見江寧寺晉長明錄亦復青而不爇傳記有以巴豆木入爇者爇得洩利而糞臭之草炊者率致味惡然則火之不改其不疾者鮮矣必以是蓋知聖人之所以改火修火正四時五變者豈故爲是煩文害俗得已而不已哉傳不云乎違天必有大咎方石勒之長鄴也於是不禁食而建德殿震及端門襄國西門雹起介山平地洿下者丈

餘人禽死以萬數千里摧折秋稼蕩然夫五行之變如是而不知者亦以爲爲之推也雖然魏晉之俗尤所重者辰爲商星實祀大火而汾晉參虛參辰錯行不毗和所致唐時以清明日取火杜甫詩云朝來新火起新烟白居易易云節過藏烟時當改火是也又張說清明日應詔詩承恩如改火蓋唐制以是日取火賜近臣故也宋時亦然蘇軾詩云且將新火試新茶又云石泉榆火一時初志林稱東坡在黃州夢中語參寥曰火固新矣泉何新新答曰俗以清明日淘井

宋仁宗康定初南京鴻慶宮灾集賢校理胡宿請修大火之祀而以關伯配焉禮官議關伯爲高辛火正實居商邱主祀

大火後世因之祀爲貴神配火侑食如周棄配稷后土配社之比下歷千載遂爲重祀祖宗以來郊祀上帝而大辰已在從祀闕伯之廟每因赦文及春秋委京師長吏致奠咸秩之典未闕然國家有天下之號寶本於宋五運之次又感火德宜因興王之地商邱之舊爲壇兆祀大火以闕伯配建辰建戌出內之月內降祀版留司長吏奉祭行事建中靖國元年又建陽德觀以祀熒惑時翰林學士張康國言天下崇甯觀竝建火德眞君殿詔正殿以離明爲名太常博士羅畸請倣太一宮遣官薦獻或立壇于南郊如祀靈星之儀有司請以闕伯從祀離明殿又請增闕伯位案春秋傳曰五行之官分爲土公祀爲貴神祝融高辛氏之火正也闕伯陶唐氏之火

正也祝融既爲上公則閼伯亦當服上公衮冕九章之服既又建熒惑壇于南郊赤帝壇壇外令有司以時致祭增用圭璧火德熒惑以閼伯配俱南向五方火精神等爲從祀紹興七年六月壬辰命歲辰戌月祀大火配以閼伯十八年禮部侍郎沈該言國家乘火德之運以王天下先朝建陽德觀專奉火德配以閼伯而祀以夏至舊典可舉望詔有司于宮觀內別建一殿專奉火德配以閼伯以時修祀益固炎圖詔禮部太常寺討論太常寺言應天府祀大火繫以季春秋擇日差官于本廟致祭今道路未通從宜于行在春秋設位臣僚言多事以來大火之祀弗舉比年多灾雖緣有司不戒然預防之計宜無所不用其至望命有司參酌舊典卽行在每建

辰戌出納之月設位望祭豈特昭炎德昌熾之福亦弭災之道尋太常寺請以季春出火日于東郊季秋納火日于西郊各建壇壝以大祀之禮禮火神禮料依感生帝乾道五年太常少卿林栗等言九月十四日依旨設位望祭應天府大火以商邱宣明王配二十一日祀大辰以闕伯配大辰卽大火闕伯卽商邱宣明王緣國朝以宋建號以火紀德推原發祥之所自崇建商邱之祠府曰應天廟曰光德加封王爵錫諡宣明所以追嚴者備矣今有司旬日之間舉行二祭一稱其號一斥其名義所未安乞自今祀熒惑大辰其配位稱闕伯祝文位版竝依應天府大火禮例改稱宣明王以稱國家崇奉火正之意

程子曰本朝鑽木取火謂火生於木非也兩木相戛用力極則陽生金以石相軋則有火非特木也

金宣宗與定中京師屢火遣禮部尙書楊雲翼祭之

元光祿卿以陽燧取明火供爨執炬者以炬燎火

邵學史曰古有火正之官語曰鑽燧改火此政之大者也所謂光融天下者于是乎在周禮司烜氏所掌及春秋宋衛陳鄭所紀者政皆在焉今治水之官猶夫古也而火獨缺焉飲知擇水而亨不擇火以祭以養謂之備物可乎或曰庭燎則有司矣雖然此火之末也顧炎武曰古人用火必取之於木而復有四時五行之變素問黃帝言壯火散氣少火生氣季春出火貴其新者少火之義也今人一

切取之於石其性猛烈而不宜人疾疢之多年壽之減有
自來矣 雷學洪曰白水正失官商多河患周禮亡司空
之籍小正亡杼井之文于是左氏內外傳每以天象言火
而言水者恒畧周秦以後不修火政呂覽十二紀刪周書
改火之文故漢儒改小正左傳之出火內火不復陳述古
義坎離之未濟此民生之所以多患也

唐虞以前五行各有專官洪範初五行一曰水二曰火
天一生水其于物爲精地二生火其于物爲神孟子云
民非水火不生活故聖王調燮陰陽尤以二者爲先務
漢以來火政不修其烹飪之失宜者固多矣而官府雖
時有火禁之頒往往不足以弭天災而絕人患董仲舒

劉向述春秋災異皆以爲人君失道所致京房易傳亦云唐柳宗元有逐畢方文曰永州元和七年夏多火災日夜數十發少尙五六發過三月乃止八年夏又如之人咸無安處老弱燔死晨不爨暝不燭皆列坐屋上左右視罷不得休蓋類物爲之者訛言相驚云有怪鳥莫實其狀山海經云章義之山有鳥如鶴一足赤文白喙其名曰畢方見則其邑有譌火若今火者其可謂譌歟而人有以鳥傳者其畢方歟遂邑中狀而圖之禳而磔之爲之文而逐之詞曰皇斯震怒兮殄絕汝類祝融悔禍兮回祿屏氣太陰施滅兮元冥行事蓋亦左氏禳火于元冥之義也明代崇奉元武真君及火府天將二神

而出內之政不舉無以節宣其氣是以陽愆陰伏時或
溢出而爲災雖多方祈禱無所應驗考明史五行志火
災視前代爲獨多其致此良有由矣